



**Inatsisartut Ombudsmandiata 2022-imut ukiumoortumik nalunaarutaa inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.**

(Inatsisinut ataatsimiititaliaq)

(Siullermeerneqarnera aamma aappassaaneerneqarnera)

268-it. Suliassaq taama amerlatigisut, Ombudsmandimit 2022-imi pilersinneqarsimapput. Taakkunanga 260-sit innuttaasut naammagittaalliонераннит tunngaveqartumik pilersinneqarsimallutik. Ajoraluartumik paasivarput, uani 2021-imiit annertuseriangaatsiarsimasut, tassani innuttaasunit naammagittaalliuutit 190-iusimallutik.

Naammagittaalliuutit tunngavissaqanngitsuusimangillat. Suliammi affaat sinnerlugit kingunerisimammasuk Ombudsmandip tungaaniit arlaatigut suliniuteqarneq.

Taamaattumik Inatsisartut tungaaniit kommuninut uparuartariaqarparput, sullissineq pitsaanerusariaqartoq pitsaassuserlu qaffattariaqartoq. Innuttaasummi inatsisitigut illersorneqarnissaat, uani pineqarmat.

Tassunga atatillugu iluarisimaarnarpoq, Ombudsmandi oqartussaasunut ilitersuummik sanasoqarnissaanik suliniuteqartoq, inatsisinik pineqartunik ataqatigiisitsisussamik. Ombudsmandip ukiut ingerlanerini oqaaseqaatigisartagai inatsisillugu atuisunit paasiuminartunngorlugit. Demokraatit neriutigaat, taanna oqartussaasunut ilitersuut naammagittaalliuutinik ikilisaataajumaartoq, kommuneni sullissinerit pitsanngornerisa pitsaassutsimikkullu qaffannerisa kingorna.

Ajornartorsiutaavormi, innuttaasut pisortani sullissinerannik tamatigut tatiginnissinnaannginnerat. Tamanna pinngitsoorata pitsanngorsartariaqarparput, tassungalu atatillugu Naalakkersuisut apererusuppakka, taakku tunngavigalugit suliniutit suut aallartissallugit eqqarsaatiginneraat?

Demokraatit Ombudsmandeqarneq tamat oqartussaaneranni pingaarutilittut isigaat, tamannalu tunngavigalugu Ombudsmandip 2022-mi sulisimaneranut qujassupput aputterusullugu. Ombudsmandeqarneq innuttaasut inatsisitigut illersortaattullusoq isigaarput oqartussaasut eqqortumik sulinerannut qulakkeerinnittussaq.

Ombudsmandi tunuortoq Vera Leth 1997-imili Ombudsmanditut annertuumik suliniuteqarsimaneranut qutsavigerusupparput. Sulinera annertoorsuarmik pingaartinneqarsimavoq. Taamatutaaq Ombudsmandertaaq Gedion Jeremiassen pilluaqqarput ukiunilu tulliuttuni sulilluarnissaanik kissaallugu.

Taamatut oqaaseqarluta Ombudsmandip 2022-imut ukiumoortumik nalunaarutaa tusaatissatut tiguarput akuerineqarnissaalu innersuussutigalugu.